

李文恭公遺集

李文恭公詩集卷五目錄

湘陰李星沅石梧著

男

梲

編次

七言律詩

贈賀虎師

贈勞辛陔

岳陽樓

石頭關

鸚鵡洲懷古

琵琶亭

舟過馬當山

不寐次虎師韻

皖城有懷

吳中別虎師次辛陔韻

二首

鎮江

舟過金山用辛陔京口韻

淮陰侯釣臺 二首

倉頡墓

交河曉發

涿州

曉入彰義門

自京至滹沱河

邯鄲懷古

漳南

岳廟

鄭州重午

江行遇風

三十初度邀笙愉作

二首

夜坐柬張第蓉

芷江遇蔡子琴却贈

二首

步江次園畱別韻

二首

畱別同人

舟次辰州晤勞五

酬熊雨樓

四首

嬖妹歸省感賦依笙愉韻

贈朱同木

二首

柬勞次山

畱別羅芝麓

畱別笙愉

樊城舟中與劉芑塘朱星泉勞辛陔左青士夜話

感賦

赤壁謁武侯祠

長沙別同舟諸友

抱犢山人四友圖

典試四川出都作

憩慈航寺

井陘

韓文公詩亭

冷泉關

過李衛公祠感賦

平遙卽景

聞喜遇雨

中條山懷司空表聖

蒲中懷黃惺溪前輩

潼關

謁華嶽廟

溫泉

秦中雜感 四首

詠蘇若蘭寄笙愉

詠班大家寄埤妹

東坡判鳳翔時有九日懷子由作今刻東湖亭壁

間余未及過訪因次其韻寄兩弟

陳倉

益門鎮

勞人

憩畱侯祠

馬道懷古

沔陽與賀虎師夜話

和彭荷村褒斜道中韻

劍外卽景

羅江卽景

德陽阻雨柬裴淡如

投李海帆觀察

蜀關四首和陶雲汀師庚午主試原韻卽呈潘芝軒穆鶴舫兩夫子

中秋寄笙愉

九月初六日李儕農方伯蘇鼈石臬使李海帆周霽餘楊達夫三觀察招飲浣花草堂卽席成句

謁武侯祠

黃矩卿前輩席間感賦

出成都北門作

漫書 三首

蜀中雜感 四首

紫蘭村懷白樂天

十一月初十日

養心殿復命恭紀

笙榆以酒屬述蜀游之勝作此示之 四首

題方維儀夫人遺墨

丙申正月十四日巡視渡海

四首

贈王壽山前輩并乞爲瓊海浮槎圖

贈別瀛秋弟

嶺南畱別

四首

大堡阻風屬笙榆和

解嘲疊前韻

望衡山有作

到家

壽芝軒師七十
四首

題劉硯卿印譜

畱別漢南
四首

笙簫沒四十有九日矣數爲詩哭之不成聲詰朝
督漕北上過萬柳園爲別且泣且訴時道光己

亥正月晦
四首

臨清大風

阻風撥悶
四首

和心畬舅氏寄韻

薇堂和韻有霜鬢驚心之句拈此嘲之

和費耕亭太守

庚吉

汴關卽事原韻

二首

由關中量移蜀臬畱別

四首

輿中贈賀虎師畱壩

和芝軒師關中原韻

二首

和卓海帆大農喜雪原韻

二首

畱別成都

四首

重宿漢臺

題梁茵鄰中丞胥江歸棹圖卽步原韻

四首

李文恭公詩集卷五

七言律詩

贈賀虎師

前身同署飲中仙
重對蘭橈一慙然
乍得友朋如性命

始知文字亦因緣
半向石墨唐初搨
三尺瑤琴海上絃

明發巴陵拚其醉
岳陽樓外酒如泉

虎師藏帖甚夥近學琴于素生與辛

陔同稱

高足

贈勞辛陔

湖光清冷片帆開十載交情到酒杯野艇殘春雲麓遠
女牆明月暮鐘催曾持藥裹憐同病肯讓蓬壺列散才
後日功名當一例天風竝馬上金臺

辛亥讀書麓山時
遂成莫逆後館相

子圖距予齋只數武
蓋無日不過從也

岳陽樓

子京一去七百載烟雨蕭條空此樓我渡洞庭重對酒
湖天不散古今愁白雲凍合巴山雪碧樹濃蒸漢水流
鑊笛數聲仙閣冷梅花還憶故人不

樓東有仙梅亭

石頭關

石頭關下鬱蒼蒼
百萬艤艫話戰場
火燒東風江水熱
天橫赤壁暮雲涼
真餘王氣歸炎漢
空負雄心對武昌
名將韜鈴名士曲
幾家夫壻似周郎

鸚鵡洲懷古

一江破浪走驚雷
猶聽漁陽伐鼓來
文舉有書能薦士
阿瞞何物肯容才
洲迴芳草殘霜勁
閣倚晴川暮雪開
故院蕭條賓客散
隴西鸚鵡不勝哀

琵琶亭

記上潯陽送客船去來彈指一十年雪花影散飛蘆荻
江月寒生咽管絃小謫誤傳新井曲大堤猶拾美人鈿
青衫紅袖曾相識不聽琵琶亦可憐

舟過馬當山

拓磯五里雪初晴白石清波一棹橫樹繞寒烟迷皖口
水流孤月下彭城要傳文字先修福大好江山亦愛名
欲借馬當風萬頃仙帆吹我上蓬瀛

不寐次虎師韻

半鈎殘月墮橫斜夜靜江濤走白沙臘鼓一聲驚歲晚

驢鞍千里問京華劇憐良友同爲客便到他鄉未是家

惆悵玉人湘水別更無清夢訪梅花

予舊作消寒詩有玉人同夢訪梅花

之句

皖城有懷

煙雲蒼莽問乾坤百子山環八卦門戰地荒涼流水剩
英雄割據幾人存大江東去風濤壯暮色西來日月昏

太尉近移吳下節民生凋敝向誰論

吳中別虎師次辛陔韻

驅歌旋促北征車雲樹依依判袂餘
小閣雪飛分韻夕大隄風冷試燈初
可堪歧路難爲別況是長安不易居
莫忘扁舟同對酒孤山芹菜武昌魚

殘年恨不姑蘇住却到姑蘇各惘然
古硯重簾吳院月疲驢破帽薊門天
於今兩地懷前事他日三山訂後緣
遙指鑾坡衆仙會晚歸相待撒金蓮

鎮江

層城高倚碧岩巖
南北縱橫枕麗譙
新柳半帘京口驛
大江一綫海門潮
風帆歷亂烟光杳
天塹中分水力驕
試望扶桑升曉日
青山兩點浴金焦

舟過金山用辛旡京口韻

紺宇琳宮疊翠橫
山光峭立水雲平
白飛松嶺孤拳塔
綠過揚州半段城
樓閣嵌空危石動
帆檣倒影大江明
吳船又趁寒潮度
坐聽齋鐘送晚晴

淮陰侯釣臺

白晝淮流響激雷弓藏鳥盡古今哀真王大度生偏忌
國士雄心死未灰碌碌肯隨刀筆吏多多可惜將兵才
漢家城闕空芳草不及王孫有釣臺

千金一飯竟誰同夢澤田歸不賞功赤白旗開軍壘亂
風雲路絕井陘通韓江坐梅漁竿冷鐘室生憎呂雉雄
太息良平交躡足更無知己似滕公

倉頡墓

雨粟神功義畫倖結繩以降此悠悠不然皇緯無三正
安問奇書若九邱混沌竅開天亦悔文章變起鬼先愁
於今墓道重題字亘古荒涼土一坏

交河曉發

蠟炬如林野戍過黃塵袞袞傍交河天連大漠沈刁斗
地入平沙散橐駝樹杪明星寒不落馬頭殘月曉無多
琵琶市上數錢劇漏盡猶聞姹女歌

涿州

陣雲猶識阪泉車
涿鹿擒王剩故墟
萬古皇天開殺運
三墳秘笈闡兵書
馬蹄雜沓星霜影
龍血元黃戰鬥餘
今日清平談險要
永銷金甲荷犁鋤

曉入彰義門

北極高懸控八垠
九門城闕望嶙峋
一鞭曉帶盧溝月
十里花濃燕市春
王會遠超寰宇象
英雄都作殼中人
草茅幸覩

皇居壯願奉

天書拜

紫宸

自京至滹沱河

回首燕關勢莽蒼
草風沙雨日初黃
九邊合沓環中夏
一色空青隱太行
地伏河流猶震動
天高雲氣漸飛揚
垂鞭直渡滹沱去
獨對污泥惜錦障

邯鄲懷古

南指漳陽北薊津
邯鄲形勝古誰論
當年游俠爭歸趙

如此河山肯帝秦多謝買絲繡公子可憐廝養誤才人
紫騮金絡正年少遙隔垂楊碾畫輪

漳南

總帳蕭條霸業成英雄兒女各沾巾銅臺瓦幻西陵雀
鎮騎沙飛赤壁燐漳水有情流別恨鄴雲不散冷歌塵
二喬未向春深鎖空作分香賣履人

岳廟

撼山容易撼軍難鎮騎縱橫戰血殷赤縣欲恢全宋業

蠟丸不放兩宮還十年功敗垂成日三字冤埋和議間
莫話東窓前日事風波亭外雨潺潺

鄭州重午

菖蒲花老劒芒森歸思撩人感不禁角糴十年勞益智
玉縉千里憶同心山圍鄭縣流雲熱河繞滎陽大澤深
慚愧湘城今日酒遠函猶自望泥金

江行遇風

去年雪霰阻江波舊地依然喚奈何駭浪六千軍突起

長風十萬劍橫磨。溼雲壓水天如墨。亂石撞山岸。欲頗
我已半生閱。嶽險幾時清影戢。岩阿

三十初度邀笙愉作

玉臺新曲艷何如

時訂倡
和初集

偕老相期挽鹿車。天許才人

爲匹偶。月當生日漸圓舒。蘭煤夜永談深候。竹葉杯香
酒熟初。三十春秋凭肩度。半簾花影一牀書

齊眉人。况是齊年寫韻軒。開田字筵其命。甘推一日長
同心曾結幾生緣。解籌合算剛周甲。清福雙修不羨仙

我愛長齋卿繡佛西池竝蒂有青蓮

夜坐東張第蓉

愁時澆酒倦攤書尙記長安比屋居
遠客乍歸游興減中年才近宦情疎
一場熱劫浮雲外半榻新涼暮雨初
今夕故人含淚坐妝樓清冷夢何如

芷江遇蔡子琴却贈

斗大山城白眼看一尊相對話辛酸
已經中歲仍爲客可惜清才是此官
湖水月明鄉夢遠泰雲天半故交殘

瀟湘且自開生面翠竹紅蘭長筆端

客中送客幾賡酬馬磨催人不可留遲我歸帆初雪夜
其君分歲古潭州黃金落莫論燕市白髮飄蕭憶虎頭
誰道龍身肯藏久酒闌含笑拭吳鉤

步江次園畱別韻

去年小住辰關道曾聽張蒼話舊游今日相逢萬山曲
與君同醉一天秋菊枝影散脩紅幌竹葉香開縹碧甌
難得主人真好客白駒還望玉音留

忽將湖水扁舟別，
作平原十日游。
劍氣直摩邊地月，
筆鋒橫掃大荒秋。
閒尋犴草遲雲屐，
重采溪花入酒甌。
我願歸程結仙侶，
卽須肯爲片帆畱。

畱別同人

巫水帆開暮雪天，
客心風緊箭離弦。
春隨柳葉回殘臘，
人與梅花坐一船。
酒伴尙憐今日別，
山靈還問再來緣。
月明鄰舫邀詩叟，
醉倚清歌幾扣舷。

舟次辰州晤勞五

一水重尋下瀨船
枕霞曾此住三年
故交白社如雲散
舊識青山似我憐
遠樹衝寒開曉霽
孤城倒影入江天
忽逢勞五匆匆去
未訂同舟各慙然

酬熊雨樓

花事關心十二時
花間傳語太遲遲
半年離恨盈湘水
一片詩情付柳枝
楮墨蕭閒春晝永
屋梁顏色月明知
那堪蠶市題箋早
又累荒齋廿日思

聚散如雲首幾搔
空同當日本麤豪
錦囊嘔血曾吟苦

蓮社攢眉爲酒逃海入狂懷猶自渴天逢我輩不能高
旗亭記取雙鬟唱畫壁分飛五色毫

忽忽顏唐學懶仙偶持瓶鉢且隨緣侯封坐擁書三面
禪榻塵昏屋數椽生菜味宜嘗薤韭濁醪夢不到觥船
饒他綺語難消遣香霧清輝咫尺天

城南裙屐自風流煙外招提水上樓二月春光疑欸客
千秋才士例工愁嶽雲窈窕長相憶瘴雨蕭森未可留
安得九方歎相馬康莊次第騁驂驪

墀妹歸省感賦依笙愉韻

一曲湘波繞夢思不堪憔悴到蘭支
聰明自是前生業心緒都非少小時
遠望倚門猶有母淡香封硯久無詩
春風歸棹重相見未話離愁淚已絲

贈朱同木

北上騾車南上船與君分手忽三年
重溫舊句拋離緒又脫征衫換酒錢
藥裏半鎗才小病桃笙一幅且高眠
關心銷夏灣頭月香到亭亭並蒂蓮

六月長沙火繖垂赤雲照我坐樊籬已拚俗態猶嫌傲
欲諱狂名強學凝快馬奇鷹豪士賦高山流水故人思
獨憐咫尺還怊悵何似松棚對話時

柬勞次山

賀二青州擁歸轡馬頭一片泰山雲君昨飛渡洞庭水
巴陵酒醉朱顏醺白雲贈我如長物酒香爭不幽人分
紙櫺霜乾逗奇冷坐待東風吹纈紋

畱別羅芝麓

峭帆飛挂楚江船
離緒盈盈到酒邊
世業大難問來日
名心容易感流年
學非干祿聊爲養
壯不封侯亦可憐
安得閒雲爲伴侶
結鄰分種麓山田

梅花如雨撲香塵
寶馬紅燈雪屋春
舊事驚過十餘載
同懷親若一家人
清貧無恙庸非福
遠別何堪耐此身
北上燕臺幾回首
尺書珍重達湘鱗

別笙倫

又趁槐忙賦遠遊
與君執手話綢繆
別無多日情如許

縱未成名見肯羞靜裏詩篇聊自遣病餘心事不禁愁
紅綾預檢春風篋一帖泥金遞楚郵

樊城舟中與劉堯塘朱星泉勞辛陔左青士夜

話感賦

把劍橫江歌莫哀與君永夜共徘徊那能世事都如願
不信天心總忌才鄉思漸隨明月滿豪情欲撥亂峯開
歸船一笑差排遣會上燕臺醉酒回

赤壁謁武侯祠

宗臣遺廟峙晴空曾付周郎第一功勝算已禡強敵膽
奇兵豈藉大王雄沈沙折戟殘碑紫夕照橫江宿火紅
我似南飛鳥繞樹歸舟願乞半帆風

長沙別同舟諸友

一樣鸞飄鳳泊身相逢相別亦前因雄談捫蝨無千古
赤手屠鯨有幾人文戰要收全局勝才多莫歎故交貧
離情分付漣濱水好寄湘江卅六鱗

抱犢山人四友圖

花竹蕭疎古星陰濤聲時和老龍吟偶邀明月入尊酒
却對遠山橫素琴四友自成高士傳百年如見歲寒心
從游未得吾安放雪意蒼茫江水聲

典試四川出都作

輶軒西指錦官城棧閣迢迢驛道橫秦漢千秋羅勝蹟
淵雲幾輩屬門生祇將獻璞懷當日敢爲題橋壯此行
試士勉循慈母訓汝心如秤要持平
母氏屢戒沉日汝父久困場屋汝異日倘竊文柄要使心平如秤無以偏見誤人今年三月猶諭及之

憇慈航寺

寺在曹河北岸方恪敏官保
徵時寓此後遂葺而新之

隔岸微聞鐘磬聲團蒲小坐滌塵纓花香靜契禪千偈

松翠生盤雨一棚成佛自然須智慧經時原不在科名

僧僚亦有羈栖感水月蕭閒石榻橫

予少讀書
水月林

井陘

九折盤紆磴道長山城高枕閱興亡彫戈曾此迎裴相
赤幟空教走趙王落日半林號虎豹太行千里控并梁
惟餘娘子關前水終古西流戰壘荒

韓文公詩亭

亭在山西壽陽縣大安驛

昨夕驅車過馬首一燈如豆照叢祠
竭來古驛迎初日快讀公詩倚斷碑
邊地縱橫騰萬馬大聲慷慨懾羣兒
園花巷柳渾無恙宜撫風流更數誰

冷泉關

羊腸一經繞盤陀關驛岩堯策馬過
韓嶺插天臨紫塞汾流裂石走黃河
崖顛雀鼠名誰證土木神仙事恐訛
遺廟欲尋綿上聚野田禾黍夕陽多

過李衛公祠感賦 祠在靈石縣西水頭

少年落拓古今同，枉負蛾眉相士工。
自有窮途多感慨，生無奇遇不英雄。
美人俠客聯知己，舊事新情比斷蓬。
燕子窩前數行淚，別懷振觸又西風。

平遙卽景

麓臺洗出碧孱顏，路越平遙第幾彎。
風捲溼雲微漏雨，樹銜斜日不離山。
人烟遠近三叉外，天氣陰晴一瞬間。
願就清泉滌炎熱，馬頭石洞水潺潺。

聞喜遇雨

東里鳴鳴琴瑟舞西村故故鵲鳩啼正愁赤土圻龜兆
驟起黑雲隨馬蹄蘆葉風搖千頃亂麥苗水漫一塍低
縣官拊掌田家笑行路何辭滑澁泥

中條山懷司空表聖

主官谷口暮煙浮故里依然洞壑幽墮笏神情非草野
杜門心跡足風流閒招節士入圖書喜住靈山時唱酬
我爲麓雲遠相憶築亭何日嘗休休

蒲中懷黃惺溪前輩

蒲關山翠入秋多，鶴雀樓高思若何。
函谷西來騰紫氣，中條南盡見黃河。
夷齊競說神仙廟，于菴猶傳太守歌。
聞道循陔勤著述，龍鱗應已長松柯。

潼關

躍馬秦關百二強，嚴城天與控西方。
河聲嶽色雄中夏，古往今來易夕陽。
地勢忽從千丈落，時清不用一夫當。
少陵太息防邊將，莫向桃林謁戰場。

謁華嶽廟

瑤幢羽蓋擁山隈
龍象森嚴問劫灰
石壁悄含風露冷
古槐疑閱漢唐來
半天雲影三峯擘
萬里秋容一殿開
多謝嶽靈勞望眼
七年遲我上秦臺

溫泉

初試華清第二湯
可憐薄倖侍君王
春風自覺新恩重
天地無如此恨長
鈿合他生盟七夕
鈴聲殘夜怨三郎
年年池畔蓮花發
隱約疑脂一段香

秦中雜感

莽莽乾坤拓雍州八方險要一隅收
天光隱割南山翠地勢高懸白帝旒
殺隴無情如傳舍神仙已老況王侯
龍蟠虎嘯升沈事併入流波咽玉溝

白草黃沙歷劫新西戎曾爲賦車鄰
二陵風雨仍今日四塞河山剩幾人
試撫碑銘若夔鼎就論槐棘亦周秦
曲江一角斜陽影照送鶯花無限春

莫笑荒寒瓦礫場繁華轉眼閱滄桑
阿房一炬殘灰熱

羌笛三更古月涼石馬不聞嘶故隧
鈿蟬何處問昭陽
昨宵原上秋蕭瑟吹墮銅人淚數行

十年豪想入關中奉使初乘萬里驄
邊徼銷烽猶警衛
書生放筆耍英雄酒杯跌宕無前代
雲氣飛揚有大風
明日陳倉揮手去劒門西指渭川東

詠蘇若蘭寄笙愉

一絲一淚一吟哦錦字迴環倚鳳梭
如此仙才忍拋擲
美人不遇奈愁何閨中我幸聯佳耦
巧思還同蘇蕙多

生恐陽臺分燕婉鍾情稍勝竇連波

詠班大家寄墀妹

千古一門三父子扶風舉首次曹蘇才能作史原家學
壯不封侯豈丈夫况有名媛傳女誡東征賦手抵東都
他年我執蘭臺筆阿妹當如曹大家

東坡判鳳翔時有九日懷子由作今刻東湖亭

壁間余未及過訪因次其韻寄兩弟

東湖亭子秋何處回首湘山坐翠微鄉信正愁鴻雁杳

離心欲趁白雲飛，忍飢煮字貧如舊。
偕隱娛親約肯違，但得北來先拊掌。
海鵬不受鷺鳩譏。

陳倉

峩峩西蜀此門戶，矗立岐封亦壯哉。
岩溜四圍沂水合，土城半壁隴山開。
陸川曠朗行將盡，伯業蕭條劇可哀。
陳寶碧雞不知處，蟠溪猶指釣璜臺。

益門鎮

雲棧飛來十萬山，從茲鳥道費躋攀。
峽流遠注嘉陵水，

天險橫當大散關，激石有聲村碓轉。
纖蘿不動陣圖間，高原一割長城壞。
神臂空勞上將彎。

勞人

勞人身世幾經營，天意分明玉汝成。
婦自有才非好譽，兒如不學亦虛生。
浮名浪得防銷福，綺語全刪悔種情。
想煞故山泉石韻，何時奉母事躬耕。

憇畱侯祠

柴關一路躡雲頭，偶訪棲真小寺幽。
入座名山有仙意，

畱題老輩自風流

雲汀蓉峯兩先生均有詩題壁

烟霞供養三生福花

竹蕭疎六月秋曾爲受書拜黃石幾時得伴赤松游

馬道懷古

斜谷西橫馬道盤當年知己溯追韓三秦欲定乃公業
片語能開大將壇獨惜假王懷忌早忍令國士保身難
何如判袂東歸去烟雨淮陰一釣竿

沔陽與賀虎師夜話

情話如絲不肯眠紅鐙綠酒致纏綿十年往事驚雲散

一片鄉心對月懸已歎長沙薪米貴况聞巨浸岳衡連
羨君官閣承歡早阿母猶遲湘上船

和彭荷村褒斜道中韻

遙遙北棧問山城褒谷行經第幾程白帝秦關何迤邐
青天蜀道更崢嶸雞頭怪石連雲峙馬跡平沙落日橫
獨抱鄉心向南望長空一雁帶秋聲

劒外卽景

夕陽搖影上鞭絲劒外匆匆策馬時宿酒千年沈費墓

殘烟一帶冷姜祠石如老衲多粗態山作奇峯要好詩
檜柏陰陰解畱客翠雲廊畔晚風吹

羅江卽景

羅江烟景似湘江細雨斜風泛小艫酒市沿堤花作幔
漁家築屋柳爲樁迎秋杭稻熟千頃掠水鷺鷥飛一雙
獨有石梁湍曲處驚霆猶帶浪聲撞

德陽阻雨東裴淡如

知名十載王郎說小憇旌陽問使君棠舍忽逢畱客雨

棧車應笑出山雲蓮花欲語詩同艷竹葉難勝酒易醺
咫尺相思不相見令公香待幾時熏

投李海帆觀察

離心五載繫旌麾難忘長沙促坐時江月劇憐圓似昨
棧雲多謝遠相思偶攜片石嚴遵問頗訝雙星李卻知
我有詩腸澆雪水望先生比望峨眉

蜀闌四首和陶雲汀師庚午主試原韻卽呈潘

芝軒穆鶴舫兩夫子

冰壺靜對月盈盈一片臣心鑒水清石室此邦詒教澤
金臺他日策勛名研摩要識良工苦翹秀常推哲匠成
曾下下和三別淚敢將人物漫權衡

問奇往復溯前緣夜雨巴山榻久懸清辨掀髯拓千古
皇華回首紀三川簡書何幸遵先導衣鉢都疑獲秘傳
記取刺船滄海曲移情十載悟琴絃

雲汀師觀察川東予爲主幕事

孔鑄終慙躍冶金東華敬別幾沈吟光分星斗時偏照
味挹天漿與細斟早拔真才伸士氣莫矜險步窘文心

使車鄭重懷初駕提命書紳感不禁

兩師以沅初出差校閱須加勤慎命

題宜正大無稍纖僻諄諄告戒

披校堂開列雁行連翩字裏吐珠光劍鋒自愛青天倚
錦段還從白地量信有江山宏抱負豈惟揚馬擅詞章
勉旃報

國資經濟並向

彤墀奏柏梁

中秋寄笙愉

沈沈鎖院靜無譁永夜微聞漏鼓過直遣珠光聯北斗
那堪鬢影隔東華新詩寄遠裁桐葉小閣畱香品桂花
贏得月中人一笑不成星使不思家

九月初六日李儕農方伯蘇鼇石臬使李海帆
周藹餘楊達夫三觀察招飲浣花草堂卽席
成句

錦里城西竝轡遲曉烟如絮拂鞭絲疎紅近水一枝活
冷翠摩天萬竹欹瘦石當門疑款客少陵危坐敢論詩

酒闌自向名流約乞與花溪作住持

謁武侯祠

偏安事業付東流衢路人猶感故侯古柏競傳詩史筆
寒烟長傍惠陵秋三分籌策匡炎漢八陣風雲護益州
白帝城高曾酌酒蘆笙吹月上扁舟

黃矩卿前輩席間感賦

秋深小住蜀江槎仙侶論交此一涯法曲依稀翻舊譜
歸程先後指京華詩懷合趁銀蟾朗醉影渾疑絳蠟斜

陳迹那禁酒鑪感殘年風雪餞梅花
已卯客成都蕭蓉
峯學使嘗於除夕
招飲

出成都北門作

三峩翠色倚秋城立馬咸門夕照橫
虎豹重關銷王氣風雷千里送江聲
偏隅險塞連秦楚故壘蒼芒歷戰爭
除却赤符延蜀漢庸才割據竟何成

漫書

朝暮紛更似奕棋夷防競數十三支
牧先害馬鞭無益

牢已亡羊補又遲蠻角相爭原小醜帑金可惜是虛糜
道旁築室成何日爲問盈庭執咎誰

八方弢甲仗天威蕞爾彌縫計總非魯盜偏邀臧紇賞
晉囚誰信智瑩歸偶緣雀鼠工塗飾終恐蛇虺失事機
豕突狼奔連百里拊循何以卹民依

一年一度鼓隴嘲故智公然虎負隅黨禍幾同分洛蜀
兵驕枉自學孫吳春山劒筍開邊隙野火燔林索舊逋
惟願梯田充玉米椎牛醺酒唱嗚嗚

蜀中雜感

夢斷雙虹敢陸梁
西川從古重邊防
鞬刀曳雪烏蠻勁
弩箭穿雲赤獬強
人識巴塘通藏衛
近傳渝舞盛氐羌
黃龍清酒申前誓
莫再從容峙寇糧

大好鳴琴單父歌
無端雕瘵漸沈疴
官貧况又兼螟負
政猛徒令歎虎苛
僵李代桃嘉樹少
賣絲糶穀漏卮多
重來俯仰成今昔
蒿目蒼生喚奈何

離堆疏水灌腴田
秋稼雲鋪萬頃連
幾見葢藏儲擔石

但聞輪轉聚商船鳩居未省常平法蛙兆全資大有年
稍喜熬波場戶靜竟思課竈徧淮壩

一曲楊枝復柘枝賽神齊會女郎祠村妝舊挽朝天髻
宮樣新描却月眉石筍半街珠瑟瑟畫裙六幅翠垂垂
花溪願乞遨頭守早詠風人蟋蟀詩

紫蘭村懷白樂天

渭川何處紫蘭村霜月依稀曉徑昏一代風流追謝傅
千言忠愛答騷魂何妨翠黛畱湖畔誰遣青衫惹淚痕

至竟交推長慶集微之心跡許同論

十一月初十日

養心殿復命恭紀

征衣香拂

御爐熏

故事使臣以
行衣召見

金闕翱翔曙色分
史職特邀

天寵渥翹材
勉慰

聖懷勤趨

李文恭公詩集

卷五

七言律詩

五

朝一載驚持節

甫奏翰林科分即蒙

諭曰爾原來去

也

珥筆三霄忝撰文

蒙詢及本衙門撰文

益見

至誠覘瑞應

廟堂佳會紀風雲

是日上方拈香風雲祠

笙榆以酒屬述蜀游之勝作此示之

一鞭晴翠指西山恒霍參差擁髻鬟燕趙悲歌豪士在

漢唐陳跡野田間風號大樹沈韓嶺石作奇兵守故關

獨得湖南清遠意晉祠流水自彎環

劍門雄絕俯秦封出入褒斜路幾重放步雲端行萬里
盪胸天外立三峯佛堂艷影空啼鳥閣道虬枝欲化龍
眉黛相迎似相識酒壚先擬醉臨邛

芙蓉秋滿錦城中遮莫天孫組織工詩老堂開修竹碧
美人箋拂落花紅偶談白鳳尋遺墨又訪青羊過梵宮
安得玉京攜汝上繡裙飄漾有仙風

猶聞勝會紀遨牀依舊樓臺七寶裝絃索數聲金雁驛

綺羅一片碧雞坊江山壯麗宜圖畫文字因緣又雍梁
快事更須浮大白棧雲隴月貯歸囊

題方維儀夫人遺墨

歷劫蒼茫手澤存青燈白髮慘吟魂六如露電空禪偈
百歲冰霜見淚痕已遣滄桑傳苦節長畱縑墨付諸孫
昨來立馬樅陽道松柏蕭蕭掩墓門

丙申正月十四日巡視渡海

樵風安穩渡滄溟萬里炎荒此乍經日月雙丸跳下上

陰晴一色盪空青山連島嶼雲容合春盎魚龍水氣腥
鹿角不鳴津鼓震始知波底有雷霆

蓬萊宮闕等閒看誰道神仙路渺漫回首舊游吳蜀隘
盪胸絕壑地天寬詩城忽遣開奇境宦蹟從茲詔壯觀
太息百川東去急思憑赤手障迴瀾

扶桑照耀采霞紅元氣蒼茫六幕通邛海聲名今尙爾
崖儋流寓幾人同都忘皮弁存夷服久肄詩書變土風
省識南交星火象本來文教徧黎蒙

朝潮夕汐羃烟痕却指瓊臺借上元一粟帆檣天際落
半城笳吹雨餘喧鳳麟敢負師門望

要使炎交識鳳麟
芝軒相國師句也

蛟鱷猶知使節尊珍重珊瑚收鏡網大瀛汪濊是

君恩

贈王壽山前輩并乞爲瓊海浮槎圖

韓江細話水雲因著述觥觥老斲輪廿載夢依劉井月
一州風藹晉祠春林泉早喜還初服山斗於今要替人
願借海波濡大筆萬重瓊島著吟身

贈別瀛秋弟

臨歧執手重徘徊歲月堂堂老大催
莫任阮掄生性懶
況從嶺海壯游回讀書自戒無師學
經世當儲有用才
小別止期各努力明年望汝上金臺

嶺南畱別

嶠夷一片鳳鸞音懷我青青指泮林
貫月槎曾經大海
出山泉敢負初心司衡獨任翹材重
舉燭時防受弊深
頗喜珊瑚收網得滄波猶恐夜光沈

德星何幸聚炎州膠漆三年氣誼投難得師資逢老輩
况兼仙侶訂同游許身勉副千秋業快意當輕萬戶侯
無那臨歧揮別淚移尊花埭又勾留

九曜蒼茫五代春藥洲小住亦前因坐環修竹宜高士
說到蓮花要解人離緒如絲難入畫歸裝有石不言貧
寄聲欲索檐梅笑可憶消寒舊主賓

局中籌策近何如時事關心數起居夷性鴟張能靜伏
民生麇集在寬舒官閒自譜蘭陔曲學淺重窺東觀書

願借鹿輜依 鶴籞只從天末望雙魚

大堡阻風屬笙愉和

泛宅烟波亦自愁歸程頻問下灘舟
凍雲多事邀滕六
順水無端阻石尤
餞歲酒香慈母望浮湘路近使臣留
狂吟恐被蛟龍妬
日辦清談少唱酬

解嘲疊前韻

南望長沙不用愁輕搖五兩送歸舟
罰詩莫漫依金谷
解事還須謝石尤
湘浦要令圓月聚嶽峯肯被溼雲留

江干梅樹如迎我笑對花香借酒酬

望衡山有作

青蒼拔地幾千重一帶湘流九面峯石氣亂飛橫嶺樹
風聲寒閣上方鐘自來列宿翔朱鳥可有真仙豢白龍
蠟屐直須觀日出憑臨雲海盪心胸

到家

嶽麓青排指顧間君恩特許錦衣還司文敢道三年
倦將母纔容一月閒香案半生期待從天書五色照

爛斑玉梅花裏金萱健齊捧春觴博笑顏

壽芝軒師七十

寵賚便蕃

御墨華樞庭曉燦赤城霞元勲式答

帝心簡老福親承

天口誇玉燭均調占紫氣金甌翊贊想丹砂和羹事業
安排早梅萼齊開益壽花

綺歲鈞衡望久歸蓬山絕頂筆如飛垂紳上應三台象

戲綵先披一品衣四海文宗依絳節幾人特晉到黃扉
絲綸出納功無量就論榮名亦古稀

燕寢香凝卷帖稠傳經鯉對尙展酬談深指掌羅千古
量大胸懷納九州蕭洒門庭常立鵠平章花月不扶鳩
鶴觴乍舉掀髯笑好獻新詩代酒籌

卿相追隨桃李綵春風坐我幾經年駑驅徒負鳳麟望
棊散時邀雨露偏一德格天推宰輔五雲近日擁神仙
南弧北斗頻翹首願奉青葱太華蓮

題劉硯卿印譜

此事當推老斲輪硯齋益壽宰官身
錐沙宛轉渾無跡
戈磔縱橫若有神
一畫早開三易象
六書曾見幾傳人
臨岐多謝相持贈
心印同參白石因

畱別漢南

秋風策馬出興元
父老殷勤祖帳繁
小住未能容煖席
將離何以慰扳轅
郡符初試鋸刀割
宦轍還羞菜把恩
獨抱空桑三宿感
臨歧聊作去思論

天語親承霄漢間，雍梁險要在南山。
皇華敢道咨謀早，赤緊深虞負荷艱。
地接三川嚴筦鑰，春蘇萬井徧恫癡。
專城報稱慙無術，自耐勞薪不忍閒。

淑江遺澤近如何，碁局紛更罅漏多。
烟繞鱸堂居偏仄，雨淋雉堞臥坡陀。
民庖且喜魚占夢，政猛徒聞虎渡河。
好待後賢勤補救，關心願續郢州歌。

愛聽絃誦問桑麻，一月匆匆數放衙。
梁苑又隨飛雁度，漢臺莫遣亂雲遮。
古風依舊簷喬木，香信偏遲佇桂花。

攬轡重來更何日郵程回首望褒斜

笙愉歿四十有九日矣數爲詩哭之不成聲詰

朝督漕北上過萬柳園爲別且泣且訴時道

光已亥正月晦

萬柳煙寒黯不春漆棺總帳已灰塵那堪仗策臨歧日
無復銜杯話別人痛定始知生是寄情癡還望死非真
悲歡離合尋常事一度追思一愴神

剛剎那間二十年香銷影寂竟長眠曾經甘苦惟卿共

直到彌留尙我憐扶病自擔兒女累返魂難續唱隨緣
營齋營奠終何益空負微之說俸錢

天問牢騷咄咄呼驚波掣電幾須臾笑如執手腸先斷

慘絕傷心淚欲枯新故鬼號妻瞰妾

上年八月翠姬夭於京師東西

屋冷姪從姑

長婦後十六日天婦故笙愉女姪也

神僊佳耦今無耦怕展

梧笙聯句圖

征裝潦草涕縱橫嗚咽河流爲送行詎料迎年當永訣

頗疑折福在虛名蛇身中斷占何驗魚目孤懸夢不成

月缺花殘同一哭夜臺底用判幽明

臨清大風

日坐烏篷歎墨磨臨關又唱大風歌絕天塵土驅黃霧
殷地雷霆鬥白波惡客似占來不速前程欲問事如何
渭陽錯愛畱仙槩竟被封姨永夜呵

阻風撥悶

惡說南風未免痴春波吹動碧參差本來花月同清賞
解用雌雄亦妙辭小坐正宜揮麈尾俗塵先已淨烏皮

他年今夕重回首莫忘篷窗唾玉時

朝暮逢君太角張詠諧聊復效東方若爲少女神應倦
未必封姨興總狂畱客肯令終歲佳因人偏耐小年長
石尤懊惱原多事我已無心問壻鄉

牙檣旗影不禁飄爲賦卽須我友招十載宦情雙袖拂
半江春色一肩挑重安主席開吟舫且置行滕換酒瓢
多感相隨似形影待將九萬策扶搖

刁騷何物假之鳴山嶽暗鴨有怒聲喝月倒行聊爾爾

蹇星直上亦平平三章約法宜休息一隊橫衝敢戰爭
明發倘仍持故態于將看取斫長鯨

和心畬舅氏寄韻

判袂何堪去住匆白雲親舍指湘中鄉心寂歷回風鷁
泥爪分明踏雪鴻梁苑留題千古在衛河枯坐一帆同
家居便是神仙樂早覓丹砂贈葛洪

薇堂和韻有霜鬢驚心之句拈此嘲之

千卿甚事忽心驚一段春愁喚曉鶯宣武聞歌爭雪涕

樂天垂老尙風情劇憐碧玉嬌如昨頗恨紅絲綰未成
安得柳枝供折贈雲鬟霜鬢共長生

和費畊亭太守

庚吉

汴闈卽事原韻

秋風吹夢繞繁臺文宴經年憶舊陪正喜故人持節共
謂露菴嘯菴雨主試又傳好句入關來瓊樓月上披胸朗鍊瑱雪

飛信手裁閒煞煎茶蘇玉局不教試院快掄才

汝南治術肯浮沈召杜聲稱徧士林早識圭璋能特達
况逢笙磬有同音名儒碩輔千秋業流水高山兩地心

寄語鄒陽頻剪燭詠霓小譜試重尋

謂鄒鍾
泉太守

山關中量移蜀臬畱別

搏沙聚散太匆匆褒谷西迎渭水東秦蜀千秋通驛騎
去來三度印泥鴻移巢且喜鄰枝近判袂難忘別緒同
多感戟門投轄意肯畱一月坐春風

花驄曾歷漢南村按部重偕舊雨論豸角自慙當執法
鵲啼常恐有沈寃牧芻無補徒虛位蠶管何知敢大言
翠柏紅薇香爛漫爭如棠舍綠陰繁

歲稔人和板屋歡要須潤色古長安
兩山險塞環邊郡三輔威儀肅漢官
數米量珠儲備少賣刀買犢轉移難
願尋桑土綢繆旨半載邠風讀未完

尺五城頭曉色分旗亭祖道悵離羣
新盤欲噉峨眉雪昨夢猶牽隴首雲
直上青天盪胸臆重占紫氣謝殷勤
笑聽北棧兒童語竹馬還期迓使君

輿中贈賀虎師畱壩

八載褒斜五度過故人如此客程何功名拊髀飛騰壯

時事關心感慨多
紫柏有杏迎遠轡
綠楊如畫試新螺
又拚官閣今宵醉
春月當筵一鏡磨

和芝軒師閣中原韻

黃閣珠榮晝接三
會當春雨杏林酣
一雙玉筍聯青瑣
十丈琪花照碧潭
蘇頌文章遶

帝重宋祁名字讓
兄甘我如燕雀先
聲賀更乞慈雲護
蜀柑

翹首天戈月捷三
東南將士戰方酣
樓船電掣消狐火

箭弩霜飛洗鱷潭勝算直須揮手定快心爭欲寢皮甘
春風到處妖氛淨一掃荆榛種杞柑

和卓海帆大農喜雪原韻

時方行
棧道中

九天咳唾落瓊瑤好句分明雲外飄鶴筆行吟當快雪
鑿坡封事想明朝手持漢箸先籌海心契虞千願格苗
國用民依原一脈八方玉燭望公調

馬蹄窣窣踏瓊瑤鳳嶺春深雪尙飄才盼雲程登棧閣
又憑風信記花朝柴關綠綻千絲柳麥隴青鋪一寸苗

愛煞山農多古意
榆羹親爲長官調

畱別成都

春來秋去碧雞坊
依舊皇華四牡裝
江月有情懸夜永

看口時自
川回湘

棧雲無事笑人忙
停驂頗歎勾畱少望

闕何辭道路長
怊悵芙蓉城外樹
問誰茆憩話甘棠

記從嶺嶠識三台
帥府潭潭蜀國開
一脈淵源真沆漭

沅鄉試座主石愚泉師
出寶峴山相國門下

半年鞭策尙駑駘
敢希藥籠儲

材其似爲綸扉送
喜來桃李新陰偏
愛劇公門當日手

親裁

錦水西風卷旆旌同岑分袂指郵程從師先負亭公弩
道故重班聲子荆未必圭稜皆意氣但無城府自光明
開誠廣益今誰屬宇宙常垂諸葛名

聞道東南積困深吏才民力兩難任澤中鴻集千倉峙
海上鼙鳴萬甲森匡濟要當儲

國計平反何以慰親心朝

天拜獻慙無補回首岷峩盼好音

重宿漢臺

漢臺小別忽三年解轡重畱一宿緣舊地雲山相望久
故人風味尙依然驛程敢道長安遠興頌何當太守賢
秋月似憐香信晚今宵特向桂花園

題梁蔭鄰中丞胥江歸棹圖卽步原韻

竭來吳苑雪飛餘八座深嚴問起居零雨正思依袞繡

春風不合被薪樗

沅陳臬來吳適
公以恙請假

心香一瓣殷勤祝手

版三熏請謁疏見說匡牀愁瞑眩尙拋藥裏理官書

自移玉節領江鄉幕府頻籌活國方海市溟濛驚鱷據
兵符絡繹歎魚忙切膚可奈同唇齒隔膜誰知有肺腸
願乞盡言畱

北闕早申

天憲肅戎行

棠舍婆娑廿載思滬陽新蔭逮偏裨湖山亦解扳旌纛
父老爭先奉酒卮何計上紓

宵旰慮將離彌念暑寒咨飛鴻目送今如昨忍憶劬勞

中澤詩

主恩長眷老成人肯讓林泉置此身久以岩疆資保障
時於獄瀆想精神

龍籌載錫

九重福虎阜還迎六度春畢竟泰雲閒未得傳霖延佇
在

丹闌

[illegible]